

- PM belum putusan sama ada setuju temui pemimpin CUEPACS

(P) KUALA LUMPUR 3
Okt. — Perdana Menteri,
Datuk Sri Dr. Mahathir
Mohamad belum membuat
keputusan sama ada berse-
tuju menemui pemimpin
CUEPACS untuk mem-
bincangkan tentang tuntut-
an kenaikan gaji bagi ka-
kitangan kerajaan.

Sumber - sumber sema-
sa yang memberitahu de-
mikian hari ini mengingat-
kan CUEPACS supaya
berwaspada terhadap
amaran Perdana Menteri
baru - baru ini bahawa
mereka hendaklah meng-
hentikan sebarang ancam-
an atau ugutan sebelum
mengadakan sebarang per-
undingan dengannya.

Sumber - sumber itu
menegaskan Datuk Sri Dr.
Mahathir benar - benar ju-
jur dan berterus - terang
apabila beliau berkata di
perhimpunan agung UM-
NO yang berakhir Ahad
lalu, "bagaimana saya bo-
leh berunding dengan
orang yang memegang pis-
tol dan menghalakannya
ke kepala saya."

UM 4 OCT 1985

Piket

Bagaimanapun CUE-
PACS masih melancarkan
tindakan piket di seluruh
negara dua hari lalu bagi
menyokong desakan mere-
ka untuk kenaikan gaji ba-
gi 800,000 orang kakitang-
an kerajaan.

Semalam, Presiden
CUEPACS, Encik Ahmad
Noor berkata pihaknya se-
dia membatalkan rancang-
an piket pada 23 Oktober
ini dan mogok Januari ta-
hun depan, jika kerajaan
sanggup berunding dan
memberi jaminan tawaran
gaji yang lebih munasa-
bah.

Mengulas kenyataan itu
hari ini, seorang pegawai
Jabatan Perdana Menteri
menanyakan: "Adakah adil
di pihak CUEPACS,
mengadakan piket pada 1
Oktober lalu, dengan
membelakangkan nasihat
Perdana Menteri, dan se-
lepas itu membuat ke-
nyataan pada ingin meng-
adakan rundingan dengan-
nya."